

Manan ne Marran


David Kaukari nge ma rrhu
sasaarōan ge li



*Luan Rudolph nge ma rrhu nonon
sasaarōan ge li*

**DESKRIPSEN
LEVEL 10**


Ministri ne Yekyaan te Wuhuran
Rebublik ne ōrr Vanuatu




En tabungbung hu, tabaa Samu bya rrō
ōm lon mwenan ōrr.




Be marin rro, yal mwe jen mwe hel te
ōman ma rrwene ben me mal.



Nge bya ngangaō fyan li unu hu. Mu
gurr ku mwenan baeb lon boket ne
mwenan ul. Ngate ryene mwenan
ahimhim.



Bone ge mwi himhim mo nong, mō mōl
mōn bya lon ōrr.




Tabaa Samu bya rrō ōm ge rrō ōm te
ōrr mōn bya roroō tam rru. Ōman ma
rrme tabaa.

Ngate mwe fe, “Ena rru mweneng
ahimhim mōn bwe.”



Nge mō mōl mōn te bya rrō fyan fa ra unu. Lon mwe jeene eb gurr ku mwenan ahimhim, te ma alal rru.


Tōlō nga lhe ngate mwe fe, “Mweneng ahimhim nge be? Nam lingi be?”




Bone ge le nga tabaa Samu rrō roō
fwelangte mwenan ahimhim lon
mwenan ōrr. Te tōlō lhe te nga mri.



Nge mwe fe, “Mweneng ahimhim mu rru be? Nam yekya ge mu rru nga lon mweneng ul nga. Si ma lhe nam rrumyune turr besaō.”



Lon ma fri tam ngate rrō mku mol bya
besaō ge evya teene mwenan ahimhim.



Bone ge rrō vya besaō, mo homne
mwenan byulbyulan hu.

Te me fe, “Ōm rrō vya be?”




Tabaa Samu me fe, “Nam rrō vya
besaō.”

Ngate rrō ho tam bya, rrō yel lon lol
frifri nga tebyan ge bya rrō rrinrin
tamne mwenan ahimhim.



Fyaasine ōrr besaō, ma lhe mwenan tarirr.

“Hei! Tabaa ōm mōl nga marin tebyan ha?”



Tabaa Samu mwe fe, “Oooo! Nam koō
helale mweneng ahimhim.”



Ngate mwenan tarirr rrō man. Rrō
krokro kilimna nan te.



Tabaa Samu lon ma fri ngate ma uhu,
“Ōm rrō manbi ha?”



Te mwenan tarirr rrō man ge rrō man,
te hun metan bya goo nga mtenen.



Bone ge nge me man mo nong, nge ma uhu mwenan tabaa mwi yi a, “Lo ha nge hom geme rru le?”

Ngate tabaa Samu mo tom lehe mwenan ahimhim en bongon te mo non metenen.

Ngate me fe, “Nam be rrurru te ma knon!”





Ngate, tabaa Samu ma rru mwenan
ahimhim, te nge mōn mu tutu kilimna
nan ge tōlō e ten bangbangan.